

Parare Domino Plebem Perfectam

A lokisetse Morena Sechaba se phethehileng (Luka 1,17)

Moeletsi oa Basotho

www.moeletsoabasotho.co.ls

Basotho ba
tl'o tjameloa
ke tlala



Moruti o
matjaleng

5

Tlhahiso ea tlhapi
e matlafatsa
moruo




SEPOLESA SE EMA COLEPE PELE

3

www.moeletsoabasotho.co.ls

Moeletsi oa Basotho



Re se re fumaneha ho
marangrang

Email: newsroom@moeletsoabasotho.co.ls
Tel: +266 28350466/ Whats app: 62600983

MOELETSI

Li fupere life tsa selemo see

Basotho ba tl'o tjameloa ke tlala-Phamotse



Khakanyong ea lichelete ea selemong sa 2024/25 Letona la Lichelete le Ntšetsopele ea Meralo Dr. Retšelisitsoe Matlanyane o bontšitse ha tsa 'muso li le maemong a amohelang. Hona ke khatelopele le boiphihlelo boo Basotho ba bo lebeletseng haholo ha ba khethile Tona-Kholo ka tšepo ea hore o tla tla a ntša Lesotho le Basotho bokhobeng ba likoloto le ho ba mekopa-kopa lichabeng tse ling. Re thoholetsa ke hona 'Muso oa Motlotlehi ka Lekhotla la Matona le bohle ba nkang boikarabello ba ho bona hore lichelete tsa sechaba li ajoa ka nepo le toka.

Har'a lintlha tse ngata tsa bohlokoa tseo a li buileng ka tsona ha re qolleleng tse 'maloa, empa haholo ke shebile tse buang ka bacha bao hangata ba sa kenyeletsoeng ho hang meralong ea sechaba. 'Muso o tšepisa ho tšehetsa temo ka kakaretso ea chelete e kaalo ka M1.3 Billione, haholo ea noesetso hobane Lesotho le na le metsi a mangata ao le sa a sebeliseng ka nepo ho le tsoela molemo. Millennium Challenge Account (MCA) e tšehelitse morero ona ka chelete e kaalo ka M1, 301Billione sebakeng sa lilemo tse hlano, Seterekeng sa Leribe le Phamong, Mohale's Hoek. Ke thapeli ea rona re le Basotho hore chelete eo e fele e phethahatse morero oo e o reretsoeng e se khelosoe.

Lekala la Bohahlau li fuoe M140.7Millione 'me le tla sebet-sa 'moho le mekhatlo kapa likhoebo tse ikemetseng ho theha mosebetsi molemong oa bacha. 'Muso o boetse o tile ka leano la ho bebafatsa litokomane (Visas) tse tlang kahar'a naha tse 'maloa e le ho bebafatsa bahahlau li ho etela Lesotho. Ho tla ntlafatsoa liitsi tse fumanoang Butha-Buthe, Semonkong le Mohale's Hoek, 'me tsona li tla thusa Basotho ba 210 nakong ea khaho le 130 nakong eo li sebetsang. 'Muso o ela hloko bohlokoa ba lipapali sechabeng sa Basotho ka hona o tla ntlafatsa hara tse ling; bolo ea maoto, litebele, taekwondo, mabelo le tse ling. E le ho keteka lilemo tse 200 sechaba sa Basotho se thehiloe ho tla ba le liketsa-halo tse tšoaang ketekelo ena literekeng ka ho fapakana selemo ho pota.

Lehlakoreng la khoebo le khoebisano ho fanoe ka chelete e kaalo ka M599.5Millione, 'me ho se ho e-na le boiphihlelo ka khaho ea lifeme tse 16 le tse supileng le sebaka se hloahiloeng libakeng tsa Ha Belo le Tikoe. LNDC e amohetse chelete e kaalo ka M696Millione ho tsoa ho batseteli e le ho matlafatsa khaho ea lifeme, 'me ho shebiloe haholo-holo tsa liaparo, tšepe, motlakase, thepa e koahelang litulo e entsoeng ka letlalo ho etsa liaparo le tse ling. Tšepo ke hore ha tsohle tse na li ka tsamaea ka thello ho tla thehoa mosebetsi e 5, 500.

Ntlheng ea bacha teng 'muso o ikemiselitse ho thusa bacha ho ithelaha mosebetsi, 'me palo ea bacha ba tla una melemo ke ba ka bang 1, 200, ebe ba 150 ba fumana lithuso selemo le selemo ho tšehetsa likhoebo tsa bona. Ba 20 bona ba tla fumana tšehetso ka selemo ho tsoa LNDC le Letlolang la Banka ea Poso. Morero ona o reretsoe ho theha mosebetsi e ka bang 1, 000 ka selemo.

Lekala la Bophelo le tl'o fuoa M3.4Billione 'me ntlha e ka sehloohong ke ho le thusa ho sebetsa 'moho le sechaba le baiki ba metseng ho fumana mekhoha e ka thusang ho thibela mafu. Sepheo se sehlo ke ho imolla lipetlele tse imetsoeng haholo ke ho amohela bakuli. MCA e tla tšehetsa morero ona ka chelete e kaalo ka M1, 5Billione e le ho bona hore Basotho ba lulang maloting le bona ba fumana litšebeliso tsa bophelo.

Taba e thabisang ke hore Setereke sa Mokhotlong le Qacha's Nek tse neng li fumana motlakase Afrika Boroa li tla hokeloa phe-pelong ea motlakase e kahar'a naha. Lesotho le tla eketsa phehlo ea motlakase ka ho aha setsi se tla o fehla ka moea Seterekeng sa Mohale's Hoek.

Nthabeleng Seithleko

Moetapele oa Mokha oa Bosebeletsi ba Sechaba (UAT) Dr. Mahali Phamotse, o re khakanyo ea lichelete ea selemo sa 2024/2025 ha e molemong oa sechaba, kaha mecha ea eona ea tšebeliso, e sa re letho ka mafutsana. Tsena li hlaleletse puisanong le Koranta, ka la 20 Hlakola monongoaha.

O re seo a se bonang ke hore 'muso o tl'o hemisa le ho phahamisa likhoebo tse ikemetseng e leng tsa batho ba busang kajeno, ho koaloa mecha eohle e ka thusang sechaba ho sebetsa 'moho le naha. O re leha 'muso o re o lo etsa lipapatso tsa mesebetsi ba shebelana ka bo bona, a boela a bontša hore ho itšematlela ka temo ke ntho ea bohlokoa, le hoja batho ba sa fumane mango-lo joaloka lihoai tse tlaase.

Phamotse o re sechaba se sa lebeletse tlala e kholo kaha ba timme Basotho mesebetsi eo ba neng ba e etsa, e le ea boipheliso joaloka lifato-fato. A re che-

lete ea naha ena e sebeletsa batho ba pusong kaha ba le khoebong, 'me menyetla eohle e shebile ka ho bona ha e le sechaba se khethang sona se mehoabali ke tlala, tlhobolo le tlhokahalo ea mesebetsi.

A re 'muso o bua ka merero e meholo ea sechaba e sa tsoeleng mafutsana molemo, bona ba ikabela eona. Moruo ha o tl'o pota-pota kahar'a naha hobane bao ba reka ho bahlahisi e seng ho baitšokuli. A re sekheo se lipakeng tsa barui le mafutsana ke ntho e kholo,



le neng e lokela ho fana ka tlaleho ea tšebeliso ea khakanyo ea lichelete e bohareng e ne e tsekisana matla, ka lebaka lena hona ho khutlisetsa naha morao ka lintoa tsa mekha ea lipolotiki.

O re nakong ena ho ne ho le bohlokoa hore pele ho fetisoa lihakanyo tsa lichelete, ebe Litsi tsa Tšireletso li kopile tšoarelo ho sechaba ka polelo eo ba neng ba e etse e le ho sireletsa Molao oa Motheo. A re ho boetse ho amuo Moetapele oa Bohanyetsi balebeli, le hoja e le tokelo ea hae empa 'muso o mometse ka ketsahalo ena. O re seo a se bonang ke hore ba pusong ba tsohela Molao oa Motheo matla, 'me puso ha e sa sebetsa ka molao e etsa liphoso tse ngata.

H'a bua ka likhakanyo tsa lichelete o re li khutsitse ha li re letho ka mafutsana, kaha ho se na moo li buang ka lihalala kapa mesebetsi ea sechaba. A re motho ha aha moruo o qala fatše ho baitšokuli le metseng ka mesebetsi ea lifato-fato hore lebili la chelete le tsebe ho potoloha.

O re ha li re letho ka litaba tsa ntlafatso ea likhoebo tsa baitšokuli. A re ha a utloele bahlanka bohloko hobane bona ba ne ba le kapele-pele ba khothaletsa hore ho khethoe puso ena ba senya naha ha ba lokela ho fana ka litšebeliso, ka hoo chelete eo ba e filong e nepahetse leha e le nyane hakaalo.

H' a phethela o itse Basotho ba tsebe ba tl'o tobana le tlala ea boja likata ho latela khakanyo ena ea lichelete.

Contacts: +266 28350 466 / 6260 0983 (Whats app)
Email: moeletsioabasotho@gmail.com



Editorial

Lesoetsa Rakubutu (Editor)
(+266) 58490670 / 62031949
editor@moeletsioabasotho.co.ls

Lehlohonolo Mohale (Sub-editor)
(+266) 58 771 507 / 62 771 507
subeditor@moeletsioabasotho.co.ls

Advertising

Thabo Lesaoana
(+266) 28 350 466/ sales@moeletsioabasotho.co.ls

Newsroom

Nthabeleng Seithleko 57 665 038/ 68 216 721
nthabeleng.seithleko@moeletsioabasotho.co.ls

Tšelisio Thakholi (Sports) 58 540 853/ 63 480 404
tseliso.thakholi@moeletsioabasotho.co.ls

newsroom@moeletsioabasotho.co.ls

Production Desk

'Mateele Liqa, Sr. Canicia Nthunya

Sepolesa se ema COLEPE pele



Nthabeleng Seithleko

Setlamo sa Mekhatlo ea Bahlanka (COLEPE), ha se fe 'muso ts'oea, ba re o bapalla ho bona,

kaha o sa fihla le halofong ea kopo ea bona ea ho nyololeoa ka 25%. Tsena li boletsoe ke Mongoli-Kakaretso ea Mokhatlo oa Lesotho Public Service Staff Association, Motebang Leboela,

puisanong le Koranta, ka la 22 Hlakola monongoaha.

O re ba ngoletse letona lengolo la tletlebo mabapi le polomiti e bonahalang e faretse sepoleseng sebakeng sa boipelaetso ba bona,

bo reretsoeng hoba ka la 23 Hlakola monongoha ka le reng ba ke ke ba e fuoa hobane LEPOSA ke karolo ea setlamo seo, 'me ho ea ka molao bao ha ba lokele ho kena boipelaetsong bofe kapa bofe.

O re ha ba na ho khutsa kaha ba hloka hore litaba tsa bona li mameloe, li kenngoe ts'ebetsong. A re tletlebo ea bona e fihletse mothati oa ho qetela oa letona, ka hona ba se ba tla emela karabo ea hae.

O re chelete eo ba nyolletsoeng ka eona khakan-yong ea lichelete ea selemo sena ha e re letho ho bona, hobane lekhetho le ba lutse molaleng ba sitoa ho hema, ho ntlafala le ho atleha bophelong ba bona. O re batho ba sesa kahar'a likoloto tseo ba seng ba sa khone ho li lefa.

H'a phethela o re batho ba nyollang meputso ba etsa liqeto ba sa ipapisa le maemo a moruo, e leng ntho e bohloko ka ho fetisisa mosebetsing oa bona. A re ha ba na ho inehela ba tla

ema ho fihlela ba atleha.

Boipelaetso bo lebeletsoe ho qala haufi le Lebala la Setsoto bo tsamae le selikalikoeng se seholo sa Maseru ho ea fihla ka sefikeng sa Moshoeshe I moo tebello e leng hore Tona-Kholo o tla amohela lengolo.

Ho sa le Joalo, ea ts'oereng molepo e le Raliphatlalato oa Sepolesa sa Lesotho Supt. Kabelo Halahala, o supile hore ke 'nete ba hana ho lokollela bao polomiti ea mohanto, hobane ba se ba hlotsoe ho ikobela lipehelo tsa polomiti, moo har'a tse ling e leng ho lokolla LEPOSA kahar'a setlamo seo, kaha e le mapolesa 'me molao o ba tsamaisang ha o ba lumelle ho ba karolo ea boitseko kae kapa kae.

A re leha eba bao ba ka qetella ba itokolla, ha ho na hore ba ka ba lumella ka polomiti ho latela molao oa khiro le bosebetsi oa bahlanka ba 'muso, ha bao ba iphehletse ka thoko mohlomong ba ne ba tla shebisana litaba le litumellano.

'Muso o imeloa ke meputso ea bahlanka

Nthabeleng Seithleko

Muso oa Lesotho o suptjoa o imetsoe ke meputso ea bahlanka 'me ho hlola taba ena o tla theola litefo tseo ho tloha ho 18% ho ea ho 14%. Tsena li hlalositsoe ke Letona la Lichelete le Ntšetsopele ea Meralo, Dr. Rets'elisitsoe Matlanyane, ka la 21 Hlakola monongoaha.

O re 'muso o lokela ho sebetsa ka molao le ponatletso, lichelete tsa 'muso ke tsa sechaba 'me ho bohlokoa hore ba tlahele sechaba. A re makala a lokela ho tla ka mekhoha ea ho kenya meralo ea bona tšebetsong e leng se ba thusang ka kaloso, le hore batho ba sebetsang litaba tsena ba tsebe ho qalella ho etsa mosebetsi.

A bontša ba lokela ho itlhalosa le ho bontšana hore ba tla fihlela lintho ka nako e kae. A re bahoebi ba banyenyane ba seng ba qalile mosebetsi ba eelletsoe hore ba hloka botšehetsi, ho kenyelilitse bacha, basali le batho ba tlokotsing. A re batho ba hlohang lithuso b'a koetlisoa hore ba tsebe ho etsa mosebetsi oa ho tsamaisa likhoebo, 'me takatso ke hore likhoebo tse nyenyane le tse mahareng li

phahame.

A re bahoebi ba likhoebong tse kholo ba qalile likhoebong tse nyenyane, ka hona ho bohlokoa hore batho ba be le mamello le ho tsitsa ho seo ba se hlohang. A re ba sitiloe ho bokella lekhetho le lekaneng hobane litsi tsa marang-rang li sa etsa phaello. A re ba lokela ho lekanya lintho hore ho lekane.

Matlanyane o re ba se ba tl'o lula fatše e le 'muso ho tla ka mekhoha eo ba tla e sebelisa ho batla batseteli, e le hore ho be le mosebetsi le tlhahiso e phahameng ho qoba ho ama kholo ea naha. A re ba batla ho sheba hore bahoebi ba khafisoa ka litsela tse fapakaneng hore ba se ke ba nyahamisoa ho latela lekeno la bona khoebong ka 'ngoe.

A re ba lokela ho tla ka mekhoha e mecha ho etsa lintho ka tšebeliso e ntlafetseng ea marang-rang, 'me ha ba sheba moruo oa lefatše ba bone hore le shebile hore o ntlafale. A re moruo o boetse o nyolohile haholo ke litaba tsa merafo le ts'ebetso ea Letamo la Polihali. A re ba tla etsa bonnete ba hore ba hlahisa mesebetsi, ba ahe marokho le tokiso ea litsela tse sentsoeng ke likhohola le ho aha tse ncha, likolo, litsi tsa bophelo, le ho

anetsa phepelo ea metsi le motlakase metseng.

Matlanyane o re puso ea molao e lokela ho thusa hore ho kenngoe tšebetsong tlhopho-bocha, ho matlafatsoe Litsi tsa Tšireletso (DCEO, LMPS, LDF le NSS) ho hlola tlolo tsa molao, bobolu le litaba tsa tlhekefetso.



A re ba tla bona hore ho na le bophethahatsi le phano ea litšebeliso, ba boele ba theole litaba tsa ho taboha ha mangope, ba boloke Lesotho le hloekile le le letala e le ho khutlisa bolemong ba naha. A re ho bohlokoa hore ba tsepamise maikutlo holima litaba tsa bahloeki.

O itse 'muso o imetsoe ke ho lefa bahlanka 'me ba tlameha ho sebetsa ka

thata ho bona hore ba theola litjeo tseo. O re moruo o lebeletsoe ho nyoloha ho tloha ho 13% ho ea ho 20% selemong sa lichelete, ka hoo ba rerile ho theola lintho tse se nang thuso, ba shebe mesebetsi ea tlhahiso, ka hona ba ipiletsa ho bahoebi ba ikemetseng ho tsetela ea tlhahisong.

O bontšitse litabeng tsa pokello ea lekhetho ha b'a sebetsa hantle kaha Setsi sa Pokello ea Lekhetho (RSL) se hlolehile ho bokella M10 Million eo ba neng ba e tšepisitse selemong sa lichelete sa 2023/24, ka lebaka la hore litsi tsa tšebeliso ea marang-rang li ne li se na liphaello.

Ho arabela tlhokahalo ea mesebetsi Naha ea Lesotho e ntse e kene lipuisanong le linaha tse ling ho bona hore e tla isa Basotho ba nang le litsebo le ba se nang tsona ho sebetsa linaheng tse joalo. A re naha ebile le liqholotso joaloka tlhaselo ea marang-rang mafapheng a mang, 'me ba lokela ho sheba lisebelisoa tsa bona, ka hona bohle ba lokela ho sireletsa naha ea bona khahlanong le tlhaselo ea marang-rang.

A phaphatha 'muso lehetla ka ho tseba ho laola likoloto tsa naha, kaha li theohetse ho M176.8 Mil-

lione. O ipiletsa ho 'muso ho etsa likoloto ka mabaka a utloahalang hore li tsebe ho itefa, 'me ho fihlela hona joale naha e boemong ba ho laola mekoloto ea eona.

Ka lehlakoreng le leng Letona la Temo le Kanetso ea Lijo le Phepo e Nepahetseng, Mohlomphehi Thabo Mofosi, o bontšitse a khotsofetse ke tsela eo 'muso o abetseng lekala la habo chelete ka eona, kaha a lumela hore phetoho eo a e hlohang lekaleng lena e tla phethahala.

O re lekala le tjamelane le liqholotso tse ngata, tse boima joaloka phetoho ea boemo ba leholimo eo ba loanelang ho bona batho ba itšematlela, ho phela hantle le ho iphepa.

Lekala lena le abetsoe M1.3 Billion ho matlafatsa har'a tse ling mekhoha ea noesetso, Lekala la Bophelo le abetsoe M3.4Billion, Lekala la Thuto M2.8Billion, Ntšetsopele ea Sechaba M2.9 Billion, Lekala la Metsi M2.2Billion, Bohahlali M140.7Millione, Khoebo M599.5Millione, Khiri le Bosebetsi M71.6Millione, Litsela le Mesebetsi e Meholo M1.5Millione, Lekala la Matla M1.1Billion, ho ntlafatsa Litsi tsa Tšireletso ho behelletsoe M4.3Billion ka thoko.

O sebelisa boqapi ho hlahisa mosebetsi



Tšeliso Thakholi

Jo a l o k a h a mosebetsi e sokoleha matsatsing ana, bacha ba khothaletsoa ho sebelisa boqapi bo fapakaneng ho latela litsebo le litalenta tsa bona, molemong oa tlhahiso ea mosebetsi. Boqapi ba lintho tse ncha ke mokhoa o mong o ka ba thusang toantšong ea tlhokahalo ea mosebetsi. Re ile ra buisana le seqapi sa khoebo e ncha ea mofuta oa eona, e leng Ausi 'Mathekiso Ramositi ea sa tsoa qala khoebo e bitsoang 'BioScience LAB', e leng e thusang ho hlahloba lijo le mobu oa temo.

Lerato la mosebetsi oa hae

Haesale ke rata mosebetsi oa ho sebetsa ka moo ho tsoakoang lintho ho etsa meriana e leng ka LAB, ho tloha ha ke ntse ke hola. Ha ke le Sekolong sa Mathomo batsoali ba ka ba ile ba ntlhokomelisa lerato leo ke nang le lona litabeng tse na tsa botsoaki ba meriana le ho etsa liteko ho fihlela ke ea Sekolong se Phahameng, moo ba ileng ba nkhothaletsa hore ke il'o etsa bongaka. Ha ke qeta Sekolong se Pha-

hameng ke qeteletse ke ile ka Sekolong se Seholo sa Sechaba (NUL) ho ntšetsa lithuto tsa ka pele. Ha ke qeta ke ile ka qala ho etsa khoebo ea sesepa, ka hlokomela hore qholotso e kholo ke ho hloka hore se hlahlojoe ho bona hore na se ka sebelisoa.

Ka selemo sa 2017 ka qala khoebo ea ho hlahloba lintho ka ho bokeletsa tse hlokaahalang, ka reka mochini o hlahlobang matsoai a teng lijong le mobung e leng 'Microscope'. Ka bona hore ke tlameha ho ea sekolong ke il'o etsa Lengolo la Lithuto tsa Mahlale (BSC) nako ea lilemo tse 'ne, e le ho tla qala khoebo ena ea ho etsa liteko tsa lintho tse fapakaneng le ho hlahloba lijo, meriana le mobu oa temo. Ha ke qeta ka qala ho theha khoebo ena ea mofuta oa eona kahar'a naha, e leng moo sechaba sa heso sa Basotho se ka tlisang meriana ea bona ho tla e hlahloba, lijo ka mofuta, mobu oa temo hore na o nepahetse le hore na o ka lumellana le mofuta ofe oa peo.

Lerato la ho qala khoebo ena

Ke ne ke batla ho hlokomelisa bacha hore ka litsebo tseo ba nang le tsona, ba tle ka boqapi

bo bong bo bocha bo sieo kahara naha ho itlhalisetsa mosebetsi. Lerato la khoebo ena ea ka le ile la boela la nthusa hore ke bulehe mahlo hore lithuto tsa mahlale ha li thata joalokaha esale re tšosoa. Bacha ba tšaba ho etsa

ka tsebang ho thusa bacha ba bang tlhahisong ea mosebetsi.

Bacha ha se hobane ba le bothoto bakeng sa ho etsa lithuto tsa mahlale, empa ba qetoa ke letsoalo. Bacha e bang le sebete ho etsa lithuto tsa mahlale


thusa Basotho ho bona hore ba hlahloba lihlahisoa tsa bona. Re etsa ntho e 'ngoe le e 'ngoe. Kanne mosebetsi o mongata haholo, 'me re ikemiselitse ho sebetsa ka thata ho bona hore bophelo ba sechaba e ba bo botle.

Toro ea ka

Ke lakatsa ho bona 'BioScience LAB' e pharetse le naha, e se ke ea fella mona Mafeteng feela e leng hona moo e le ntlo-khoho ea eona. Ke takatso ea rona ho bona re boetse re le malibohong a Naha ea Lesotho re thusa sechaba sa habo rona, ho hlahloba thepa e kenang le e tsoang hore na e maemong a matle molemong oa bophelo bo botle ba sechaba. Re lakatsa le ho eketsa mosebetsi molemong oa bacha.

Molaetsa ho bacha

Bacha boqapi bo tsamaea le khoebo, 'me ka khoebo efe kapa efe ea boqapi ba lona le ka tseba ho phela. Boqapi boo o bo etseng sekolong kapa ba tsoalo, u ka bo matlafatsa ka ho ea sekolong. Tsena tsohle li nepahetse bacha. Ha re qapeleng naha ena le



lithuto tsa mahlale ka lebaka feela la letsoalo. Ha ke fihla ka NUL ke ile ka etsa 'Biology le Chemistry' ke tšohile ke nahana hore ke lithuto tse thata empa ha ho joalo. Ke ka tsona feela re ka tsebang ho tla ka mahlale a macha ao re

ho ba kannete joalokaha ke se ke boletse li ka re thusa ho qaolla naha ena bofumeng le tlhokahalo ea mosebetsi.

Khoho ea khoebo e batla e bonahala

Ha joale re sebetsa re le bararo khoebong ena ho

rona tseo re ka phelang ka tsona. Bohle ba ka ratang ho tseba haholoanyane ka mosebetsi oo re o etsang mamati a butsoe. Re ka le thusa ka boeletsi e le hore ka boqapi ba lona le tle le tsebe ho iketsetsa ka matsoho.

Nthabeleng Seithleko

Moruti o matjaleng

Moruti James Jason ea ilemo li 75, oa Sekoting Ha Tšiu Maseru, o lokolotsoe ka beile ea M400.00 Lekhotleng la 'Maseterata Maseru, ka la 20 Hlakola monongoaha, a qosoa ka ho nyalisa mocheliete le mofu.

Lengolo la qoso le re moruti Jason oa African Church, ka

thoko ho molao le ka morero o kopanetsoeng ka Tšitoe, ngoahola, o ile a hlohonolofatsa lenyalo la bokunyata lipakeng tsa 'Mantsapo Leoma le Mokhethi Khunonyane, a tseba hore Khunonyane o ne a timele ka selemo sa 2022.

Moruti o hlalosa a entse sena ka sepheo sa hore mocheliete ea neng a o lula le mofu, a une molemo oa boja-

lefa ba lelapa leo. Nyeoe ena e bile kapela 'Maseterata Itumeleng Letsika.

Ho sa le joalo, Lekhotleng le Phahameng la Lesotho, Morena oa Sehlooho oa Tebang, Khoabane Mojela, ea fumanoeng a le molato oa ho bolaea motho ka sehloho, o fetotse akhente. Sena se hlahelletse Lekhotleng le Phahameng ka la 19 Hlakola monongoaha ha

a ne a lokela ho ikopela kahlole e bobebe ka 'muelli oa hae.

Mojela eo lekhotla le mo fumanoeng a le molato oa ho bolaea Tšenolo Letsie ka ho mo thunya ka sehloho a mo tsekisa hore o mo loea ka lingaka tsa Sesotho, le hore na o mo tonetse mahlo hobaneng liketsahalong tsa Motsšanong 2020, ka morero le ka maikemisetsa, o boleletse Lekhotla la Moahl-

li 'Mabatšoeneng Hlaele hore o se a hloka tšepo ho 'muelli oa hae oa pele.

Morena Khoabane Mojela, o laetsoe ho khutlela khotla ka Labobeli la beke e tlang 'me o fihlile makhotleng a le liketane maotong, a lebetsoe ka thata ke litho tsa Setsi sa Tlhabolollo ea Batšoarua, a bile a sa fueo monyetla oa ho bua le metsoale le litho tsa lelapa.

Letona le etsa sechaba mahlo a nyoeke-Mokhothu-Mofomobe

Nthabeleng Seithleko

Moetapele oa Bohanyetsi Paramenteng Mathibeli Mokhothu, o re Letona la Lichelete le Ntšetsopele ea Meralo, o roka sechaba mahlo a nyoeke h'a re o nyoletse bahlanka meputso tsa 4.5% kaha a ba file 2% eo a e tlatsitseng ka boitlamo ba 'muso ba ho fa mohlanka e mong le e mong 2.5% mafelo a selemo se seng le se seng. O boletse tsena, puisanong le Koranta ka la 21 Hlakola monongoaha.

O re likhakanyo tsa lichelete ha li'a hlaka kaha ba sa tlalehelo hore na chelete eo ba neng ba e abile selemong sa lichelete sa 2023/24, e sebelitse joang, haholo lintlheng tse kholo.

O re selemong se fetileng sa lichelete Lekala la Temo le Kanetso ea Lijo, le ne le abetsoe M1.1 Billione empa lihoai esale li le seboko, ka hona ba ne ba hloka tlhalosetso pele ho fetisoa lichelete. A re lipeo le menontša li kobile lihoai ka holimo, hobane boholo ba lihoai ha li'a fumana empa le



Moetapele oa Bohanyetsi Paramenteng Mathibeli Mokhothu.

kajeno lekala le tšoanang le fueo M1.3 Billione e leng se ba nyarosang hore na e tl'o sebelelsa mafutsana kapa barui.

A bontša ha 'muso o re o lomahantse meno litabeng tsa tlhopho-bocha, empa ha ho na chelete e abetsoeng tšebetso ea eona kaha e se feela hore ha ba etsa tlhopho-bocha ba tla ea paramenteng, empa

e boetse e qobella naha ho kenya litaba tšebetsong ka ho hira mafapheng a mang ho sumetsa boemo.

O re ha ba re paramente e ikemele ba lokela ho sebeletsa lipheto, tlhopho-bocha e ke ke ea kena tšebetsong e se na tšebetso ea lichelete. A re hona ke ho ngola fela le ho reka sefahleho sa Machaba.

A re ba thabetse hore 'muso o tl'o ntšetsapele khaho ea borokho ba tebellong Qacha's Nek le phepelo ea motlakase e tl'o etsoa katolosong ea metse tseo e neng e le merero ea bona ea nako e telele.

H'a lihella likhala o re ba tlositse morero oa lihalala o neng o hira batho ba 65 ka khoeli le likhakeletsi metseng

hore ba tsebe ho ikholla bofumeng, ka hona 'muso ha o na thahasello bathong ba ikhollang bofumeng, kaha ba theotse le palo ea bahlanka ba sebetsang Lekaleng la tsa Lehae, chelete e lebang sechabeng ea fokotseha empa e lebang kabong ea mesebetsi e molemong oa bahoebi ba ka pusong e eketseha nako eohle.

Ho sa le joalo, Moetapele oa Mokha oa Sechaba sa Basotho (BNP), Machesetsa Mofomobe, o hlalositse hore khakanyo ena ea lichelete ea soabisa ha ho na letho eo e le tšoaretseng Basotho hobane ha e re letho ka sechaba metseng. Ho theohile chelete ea lintlafatso e se e le M21 Billione, hona ho bolela hore ha ho na lintlafatso tse tla bonahala metseng.

O re ho tla ba le nako ea khefu-khekhenene ea ho hlalisa motlakase Lesotho, ba thotse hore na tharollo ke efe, 'me monyetla oa hore motlakase o nyolohe ka palo e holimo e mengata, ho tla be ho ntse ho lutsoe melaleng ea mafutsana a se nang bokhoni le mesebetsi sebakeng sa boipheliso.

A re letona le tšabile ho bua ka litaba tsa merafo hobane ke taba e pelong ea Tona-Kholo, ke ka hoo ho ke keng ha kenyeletsoa Basotho, hore ba ikopanye ho ea sebetsa libakeng tse joalo. Ho ne ho lokela ho buleloa Basotho hore ba ikopanye ba tl'o sebetsa merafong molemong oa naha.

O re leha ho le joalo, ba lebohela maqheku hore ba nyolletsoe ka M50.00 le ho behella ka thoko chelete e tl'o thusa bacha likhoebong. A re tabeng ena o eletsa 'muso ho fa BEDCO ho sebetsa mesebetsi ena e le 'ngoe ba se ke ba kenyeletsa mafapha a mangata e tla lahla moelelo.

Are o soabile hore ha ho moo 'muso o nyollotseng chelete ea batho ba nang le bokooa. A re litaba tsena li tšoana hantle le khakanyo ea lichelete ea bohareng ba selemo, ha ho na letho le fetohileng.

Mazenod PRINTING WORKS (Pty) Ltd
Prepare good People for The Lord

Creativity Regarding Your Mental Entity

Our Service:

- Designing services
- Printing services
- Binding & Repairing
- Lamination
- Publishing

+266 22 350 815
demazenodprinting@gmail.com

Litsebi tsa bophelo li tšoara 'moka

Nthabeleng Seithleko

Litsebi mafung a fapakaneng a bophelo ho hlaha litsing tse fapakaneng li tl'oa tšoara 'moka o akaretsang literekeng tse 10 tsa naha, le libaka tse haufi le maliboho a Lesotho o reretsoeng ho lemosa Basotho ka mafu a jeleng setsi matsatsing ana a morao ka lebaka la mekhoha ea sejoale-joale ea bophelo. Tsena li boletsoe ke Dr. Thabo Seotsanyana, puisanong le Koranta, ka la 20 Hlakola monongoaha.

O hlalositse 'moka o tla ba ka la 1 'Mesa monongoaha, holong Sekolo se Phahameng sa Lesotho, 'me ho tla etsoa litlhahlobo tsohle tsa mafu ho sa khetholloe, ba boetse ba tla fana ka mekhoha ea tlholeho eo ka eona motho a ka ipaballang e le ho thibela lefu le e-s'o be teng, ho le qoba le haeba lelokong le itjetse, ho le loantša le ho le thefula haeba e le le sa phekoeheng.

A re ba tla hlahloba motho e mong le e mong ea tla fihla ka nako tse latelang; phallo ea mali, tsoekere e maling, boima, bophahamo, mafura, metsi le boima ba masapo. A re molemo oa 'moka ona ke hore ha ho litesiso tsa letho bakeng sa ho hlahloba.

A re bao maemo a mpefetseng, joalokaha ba lebetse le bakuli, kapa ba bang ba kula ba sa tsebe, ba tla alafshoa hang ka litesiso tse tlase haholo papising le litsi tsa bophelo.

A re ha batšehetsi ba 'moka ona oa bohlokoahali, joaloka bahoebi, bafani, ba ka bula liatla, ba rerile ho fana le ka lingoloa tse ka khahlametsang motho leha a se a le lapeng, mohla ebang a ka kula, li na le meriana e bolokehileng e fumanehang ha bonolo.

O tlo tšoareloa batho ba mofuta ofe?

'Moka ona ke oa batho bohle ba phetseng hantle, ba okang, ba kulang, esita le ba ipelaellang ka mafu a itseng. Lilemo ha li khethe, ha fela motho a utloa puo ea Sesotho, re ka thaba ka ho

fetisisa ha malapa a macha le maqhekoana ba ka tla ba le 'moho ho latela tse ling tse tla qopetsa litabeng tsa rona.

Le qhololitsoe ke eng?

Lesotho ke naha e nyenyane, e ratehang, e kollang ntsi hanong. Ha re se ntse re hakanyetsoa li-millioneng tse peli, ho bolela hore boholo bo'a hloka hahala. Sena se re qhololitse hore lenane le tlaase le teng, re le sireletse, hape re le thuse ho matlafala, e le hore le ntlatfatse ea moruo oa naha.

'Moka oo o se o tla

na le hlokometse eng?

Mafu a tšoenyang sechaba sa Basotho ke tsoekere e sa laoleheng, e qetellang ka bofufu, ho shoa ha kutlo maotong le matsohong, tahlehelo ea litakatso tsa kalaneng, esita le mosese o itaolang. Hape ke lefu la pelo, khatello ea maikutlo, mofetše le a mang. Mofetše joale ona sekhhahla seo o bolaeang ka teng, le ka likoloing tsa baeti, matlong a thitelo, mafung, likerekeng, manyalong, lipitsong, e se e le ona o malemeng a batho.

Har'a tse ling tse tla

lieha ho ea ngakeng e le ho fumantšoa thuso ka nako, leha utloa a hloleha ka hlohong. Lipalo tsa banna li menahanya tsa basali ho feta makhethlo a 12 litsing tse sebetsanang le mafu a kelello. Sena ha se sesupo sa hore banna ke bona ba nang le khatello ea maikutlo ho feta basali, empa ke sesupo sa hore banna ke bona ba nyahamelang, kapa ba le lesisitheho ha ba lokela ho ea litsing tse joalo, hoo ba eang tšenyoye se e le kholo bokong.

Re tl'oa khothaletsa sech-

teneha kapele, ho sebelisa lithetefatsi, ho senya thepa kapa ho lematsa ba haufi le eena, ke a mang a matšoa ha boemo bo qala ho tsoa taolong.

Ho senya chelete, ho bua a le mong, ho hloka boroko, boleballi bo senyekhenyekhe, ke moo joale lingaka li jelang phate, hangata e se e le ho laoloa fela, e le hobane tšenyoye se e atile.

Tšubuhlellano ea mali, tahlehelo ea khopolo, ho shoa lehlakore, tahlehelo ea kelello, ke tse ling tsa



Dr. Thabo Seotsanyana

tšoaroa selemo le selemo?

Re bile le 'moka e 'maloa, empa ona ke oa pele oa mofuta oa oona Lesotho, kaha o tla ba ha 'ngoe fela ka selemo. Hangata re ba literekeng re potoloha, empa ona o reretsoe ho nka ho tloha Tele ho ea tsoa Mechachane.

Hlalosa a mang mafu o kenyeletsa botsebi le hore

tšohloa ka botebo, ho be ho fanoe ka monyetla oa lipotso le likarabo, ke taba ea bophelo bo botle ba kelello, batho ba bangata ba ntse utloa e le sekhubo ho sebelisa litlhare tsa Sepetlele sa Mohlomi. Sena se bakoa ke tlhokahalo ea thuto le kutloisiso e fokolang eahore lefu la hlooho le itšoanela le la pelo, maoto le sebete, 'me motho o ee a qetelle a

aba, banna ka kotloloho ho utloisisa bohlokoa ba ho ipaballa le ho kopa thuso moo ba imeloang. A mang a matšoa ana ke mokhathala o mongata leha motho a phomotse hantle, ho lahlehelo ke thahasello ea lintho tseo a neng a li rata, ho se ithokomele joaloka ho lieha ho ja, ho se ithatsoe kapa ho itsukunya, leho ikaparela fela tjena. Ho

litlamorao tsa ha motho a sa sireletsa kelello ea hae.

Litlamma tse thusang ho boloka kelello e le mae-mong a matle, joalokaha bophelo re tseba hore bo matsoelintsoeke, re tla fana ka tsona hona kopanong, re bile re tla ba le nako ea lipontšuo, moo tse ling re tla li bona ka mahlo, e le hore re iphekole, re be sechaba sa ho beoa peo.

Tota o tsamaea ka lebonyo

Nthabeleng Seithleko

Mohlominyane Tota ho hlaha Mokheng oa UFC, o tlohile paramenteng ka pososelo kamor'a ho fetola tulo, paramenteng ka la 19 Hlakola monongoaha.

O re taba ena e tl'o fetola bophelo ba hae hobane ha tl'o sebetsa a le tlasa khatello litabeng tsa sechaba, empa o tl'o sebetsa a e-na le matla joalo ka mang le mang. O re ha tšela litho tsohle tsa UFC li tsebe taba eo le hore o sebeletsa tsona e seng ho hong, hobane ke tokelo ea hae ha a le paramenteng ho fetola boemo ha lintho li sa tsamaee hantle.

Potsong ea hore na se neng se mo bakela khatello ke sefe ha lutse lehlakoreng la 'muso, o hlalositse hore o ne a e-na le khatello kaha



a ne a lokela ho tšehetsa ho latela tumellano, 'me 'muso leha ho sa hlokahale hona joale ha shebe litaba

'moho le bao. O re o tla sebetsa le bohanyetsi hobane ha lumelle hore sechaba se hatelloe a ntse a shebile.

Tota o bontšitse a thabile ebile esale a makalletse Motsamaisi oa Lipuisano Paramenteng hore o sebetsa litaba joang, kaha litho tsa Mokha oa BAP li ile tsa fetola tulo paramenteng ntle le khanyetso ea letho. O re ha se phoso, ha se mohollo ho kena paramenteng motho a oela ho bohanyetsi empa ea e le ho ba 'mesa mohloane ea sa fanyeng litabeng tsa sechaba.

H'a phethela o supile hore o tl'o sebeletsa Basotho 'me bohle ba lebele hore ho sebetsa ha hae ka bolokohi, ho tla mo thusa ho loanela bolokohi ba Basotho linthong tsohle.

Ho sa le joalo, moparamente oa DC, Hlalele Letšaba o re bolokohi ba maparamente liqetong tseo ba li etsang e lokela e be ntho e teng, kaha le molao o ba sireletsa. O re taba ena e thusa khasanyong e nepahetseng ea litaba tsa Puso ea Sechaba ka Sechaba, bolokohi litabeng tsa sechaba, ho ananela le ho bulela bohle mamati.

O re ba lebohela eo kaha esale a tšoenyehile ka nako e telele, 'me ba motlotlo hore paramente e tseba ho itokisa moo e bang liphoso li etsahetse.

Motsamaisi oa Lipuisano Paramenteng, Mohlomphe-

hi Tlohang Sekhamane, o ile a balla paramente lengolo leo a hlakisang litaba tsa mohlomphehi Mohlominyane Tota, ka lona.

"Ho fetola setulo ke moo setho kapa sehlopha sa litho ba rerisanang le Motsamaisi oa Lipuisano, ba lumellana le eena hore motho ea joalo o tla theoha setulong seo a ntseng a se lula a lula ho se seng."

O re litaba tsena li late-la kopo e ileng ea etsoa ke litho tsa BAP, tse ileng tsa mo tsebisa ka mongoli oa 'Caucas', hore ba tla fetola tulo ka paramenteng, ho latele Moetalepele oa Lekhotla la Bosebeletsi ba Sechaba (UAT) Dr. Mahali Phamotse ea ileng a hla a itokolla kahara RFP, a fetola tulo kaha e se e le Moetapele oa UAT.

O supile hore ho ne ho se qeaa-qeao litabeng tsena tse ka sitisang Tota ho fetola tulo kamor'a lipuisano tsa bona, kaha a ithakisitse hore ha tšele, o fetola tulo. A re kaha a emetse UFC a le mong paramenteng o na le matla a tšoanang le a mongoli ofe kapa ofe oa 'Caucas'.

H'a phethela o re ho hlake hore setho s fe kapa sefe, se ka fetola tulo Ntlong ea Bakhethoa, ha feela se lumellane le Motsamaisi oa Lipuisano, eseng ha motho a rata hore litho li tsebe phetoho e teng Ntlong ea Bakhethoa.

FASHION

SHOW

TIME
6PM
TILL LATE





ELEGANCE
FABRIC THAT SPEAKS

GENERAL
TICKET
M70

FOOD &
DRINKS
M200

RUNWAY TO
BREAK THE RULES

SATURDAY
MARCH 23 | 2024

VENUE: MANTHABISENG CONVENTION CENTRE

MC's



Tebello



Teba

PERFORMANCE BY



Sotho Kids



Omali Themba



'Malichelete



Chief Fasa



Mochana



Master Dj

FOR MORE INFO CONTACT (+266) 5852 4642/ 6393 9207



Tlhahiso ea tlhapi e ntlafatsa moruo



nepahetseng, e hloekileng sebakeng se nepahetseng.

Dr. Keneuoe Lehloenya o re Naha ea Lesotho e hlaha boemong ba pele tikolohong ea Afrika ka tlhahiso ea tlhapi ea boleng bo hohimo ea (Trout). A re leha ho le joalo, o re lekala le re ho hloka-hloka tšebetso ea lichelete le tataiso e hloekileng ea tlhahiso ea tlhapi mabalane.

O re taba ena e lokela ho nyakureloa kaha e le sekhoqetsane se tšoareletseng ntlafatso ea moruo. A re e bang naha e ka tsetela ka matla tlhahisong ea tlhapi hona ho ka e thusa ho ntlafala moruong oa eona le tlhahisong ea mesebetsi.

A bontša ho le bohlokoa hore ho be le thuto e tla matlafatsa sechaba le ho se thakela ka malebela tlhahisong e nepahetseng ea tlhapi ena, ebile e bolokehile hobane ke karolo ea ho matlafatsa leano ea phepo e nepahetseng.

Mope Maope ho hlaha FAO, o hlalositse hore tlhahiso ea tlhapi e ka thusa ntlafatsong ea moruo, 'me se hloka-hloka ke ho thakela batho ka malebela mabapi le tlhahiso e nepahetseng ea tlhapi.

Nthabeleng Seithleko

Leha Naha ea Lesotho e na le monyetla o motle oa tlhahiso ea tlhapi ho latela letlotlo leo naha e nang le lona la metsi, Lekala la Temo le Kanetso ea Lijo le re tlhahiso e sale qholotso mabalane. Litaba tsena li bile ka la 19 Hlakola monongoaha.

E mong oa Basotho ba lakatsang ho kena leruong la tlhapi, Sehlooho Sehlooho, o re ke sehoai sa nako e telele sa temo ea lijalo tsa masimong, empa ha a ntse a ntlafala o utloa a rata ho kena tlhahisong ea tlhapi hobane ke tlhoko e kholo lefatšeng. O re tlhapi ha se sejo feela empa ke sematlafatsi 'me ha ho ne ho ka ba le matangoana a hloekileng, a baballehileng seo e ne e tla ba bosesane ba khoele.

O re bothata bo ba tjametseng e le lihoai ke metsi a litšila a matamong

moo batho ba sa utloising ho boloka libaka tse joalo li hloekile, ka ho lahlela liphoofolo tse shoeleng le lichefo tse kenang ka lebaka la toti, mohlala ke tšenyeho e ileng ea ba teng Letamong la Maqalika moo lithapi li neng li shoe ka bongata ka lebaka la lichefo tse bakileng ke ho lutla ha toti ea Ha Tšosane.

O re bohle ba lokela ho nka boikarabello hore libaka tseo li baballehe molomong oa bophelo bo botle ba sechaba, tlhahiso ea lijalo ea mefuta e fapakaneng le ntlafatso ea tlhahiso ea temo. O re re phela nakong eo re le naha re tlamehang ho tla ka mekhoa eohle ea boipheliso, le hore re fepele linaha tse ling ka lihlahisoa tsa rona.

Sehlooho o tsoetsepele hore e le lihoai ba se ba le bothateng ba melao e sireletsang temo ea bona hore ha tšenyho e etsahetse, ho be le matšeliso ao b'a fuoang, etsoe le boemo ba phetoho ea leholimo e le qholotso e kholo kaha-ra temo. 'Muso joalokaha o ba khothaletsa ho kena temong, o lokela ho etsa maano a sireletsang temo

eseng ebe lipuo feela tse seng molemong oa naha.

O re tlhapi ke sehlahisoa

se matla se hloka-hloka hore Basotho ba rupeloe ka matla molemong oa tlhahiso e

la molemong oa tlhahiso e

FASHION

SHOW

RUNWAY TO BREAK THE RULES

TIME
6PM
TILL LATE

SATURDAY
MARCH 23 | **2024**

VENUE: MANTHABISENG CONVENTION CENTRE


Chief Fasa
PERFORMANCE

FOR MORE INFO CONTACT (+266) 5852 4642/ 6393 9207



MOB KIDD'S EDUTAINMENT

Puzzle MOB 92-4523



Across

- 1. Keeps up
- 2. South African leader
- 3. Ancient Egyptian city
- 4. Priceless?
- 5. Take a furtive look
- 6. With the intent
- 7. Rivers in England and France
- 8. For a song
- 9. Eastern titles
- 10. "Coffee ___?"
- 11. Suffix like -ity
- 12. Parochial
- 13. Other: Fr.
- 14. "Law and Order: SVU" actor
- 15. Former "America's Funniest People" host Sorkin
- 16. Greece
- 17. Robin of ballads
- 18. ___ cavae

- 19. Resonant barbershop sound

Down

- 2. Like the Sp. "el"
- 4. Bridge expert Charles
- 5. Skip it
- 6. Join, as a table
- 8. Towels off
- 10. Largest dolphin species
- 13. Macaws.
- 15. Freemium game interruptions
- 16. 1950s political monogram
- 17. Battery size
- 20. Spatial
- 21. Gets hitched
- 22. Blackbirds
- 23. "Am ___ your way?"
- 24. Arbutus Prov.
- 25. Word before large
- 26. Roman 51


- 27. Quote continues

- 28. Pro ___: in proportion
- 29. Where Sligo is
- 30. Arrest
- 31. Medical prefix

- 32. Farm field unit

- 33. Hammer, in a way
- 34. Wing: Fr.
- 35. Printers' measure
- 36. Scale member

SOLUTION 92-4522



DID YOU KNOW?

The tiny Maloti Minnow, *Pseudobarbus quathlambae*


It has been the subject of a long, detailed and costly series of academic and field studies, which have resulted in a large body of information being available about this endangered, endemic fish.



The Lesotho Highlands Development Authority (LHDA) engaged a specialist consultant, Dr. Johan Rall from the Republic of South Africa to collect information on the status of the minnow in the LHWP. The consultant estimates that the Maloti Minnow has lost 90% of its original numbers. The construction of the Mohale Dam has placed a significant part of the minnow population at risk through the inundation of the upper reach of Phase 1B rivers. The

decline of this diminutive fish began over 70 years ago in colonial times, when trout were introduced into Lesotho's rivers to provide sport angling to those with leisure time. The predatory trout have subsequently eradicated the minnow as they spread into more of its habitat.

Genetic studies have revealed two distinct groups within the Maloti Minnow population, known as ESUs (Evolutionary Significant Units). One comprises the "Mohale ESU" from the Senqunyane, Bokong and Jordane rivers, while the rest fall into the "Eastern ESU". The Mohale ESU comprises 77% of the total extent of occurrence of the Maloti Minnow. The Mohale Dam development is expected to affect 97% of the Mohale ESU from the introduction of trout and yellowfish into the system if no mitigation measures are put in place.



TSA KEREKE

Maoblata a keteka kamohelo



Tšelisothakholi

Barumuoa ba Maoblata a Maria ea se nang Sekoli, ba ketekile sehopotso sa letsatsi leo molao oa bona o neng o ananeloe ke Kereke, ka la 17 Hlakola 1826. Mokete ona oa sehopotso o ne o tšoaretswe Setsing sa Liboka sa Maoblata, Mazonod, ka la 19 Hlakola monongoaha.

Ketekelo ea letsatsi lena e ile ea etelloa-pele ka Sehlabelo se Halalelang sa 'Missa, o neng o eteletsoe pele ke Fr. Paul Matlosa OMI, a tlatsitsoe ke baprista ba babeli. H'a etsa khotatso Fr. Patrick Matsau OMI o bolelise hore o na le tumelo ea hore Maoblata h'a keteke feela tekono ea tokomane, empa haholo ho feta le ka mokhoa o moholo ba keteka se phuthetsoeng ke tokomane eo le moea oa sona.

A re joaloka meketeng e meng e mengata ea bakriste, ke ka Mangolo a Halalelang feela le ka Sehlabelo se Halalelang sa 'Missa, ba tsebang ho fumana moelelo oa 'nete o tebileng oa seo ba se ketekang. "Kajeno re keteka lilemo tse 198 tsa ho ananeloa, ho amoheloa, le ho hlohonolofatsoa ha melao ea Kopano ea Barumuoa ba Maoblata a Maria ea emotsoeng a se na Sekoli." A rialo a bile a eketsa ka hore se boleloang ke Mangolo a Halalelang kajeno, ho Le-Oblata ka leng ke hore ho bohlokoa ho hopola le ho keteka khopotso ea

letsatsi lena.

A re ke mokete o moholo oa teboho, oa boithahlobo le oa ho fumana litsela tseo Maoblata a ka phelang bocha, ka mokhoa o kholisang pitso ea bona. A bontša hore melao le melaoana ena ea bona e kolla Mangolong a Halalelang, e leng ona a ba fang thomo, pitso le ho ba karolo ea seo Mohlomi oa Kopano a leng sona, empa e seng feela ho ba baetsisi ba hae.

A tiisa hore molao oa Maoblata ho bo-Ntate ba Maoblata ke bophelo ba bona ba letsatsi ka leng, 'me motho h'a bona Le-Oblata le teng ha oa lekana ho eena hore o bone Le-Oblata le phela tjena, empa tokomane ena e ka ba thusa ho utloisisa seo Maoblata a leng sona. "Moea oa kopano o re lumella ho phela limpho tsohle tse ngata tsa Moea o Halalelang ka ho fapakana ha tsona. Hape pitso ea moea oa kopano e re lumella hore tokomane

ena e re thusa ho arabela pitso ea Evangeli, ka ho lumella Moea o Halalelang ho tataisa bophelo ba rona." A rialo.

Kamor'a khotatso ena litho tsa Kopano li ile tsa nchafatsa likano. Athe qetellong ea Sehlabelo sa 'Missa, litho li ile tsa etsa boinehelo ho Maria Movirigo. Fr. Matlosa o ile a fetisa molaetsa oa Ramaoblata Tikolohong ea Lesotho e leng Fr. Sydney Mofusi Boatile OMI, ha Fr. Augustinus Nthethe eena a ile a bala molaetsa oa Mookameli e Moholo oa Maoblata Fr. Luis Ignacio Rois Alonso OMI. Mangolo ka bobeli a ne a khotaletsa bonngoe le moea oa kopano kahar'a Maoblata.

Kopano ea Maoblata e ne e ananeloe ke Kereke ka la 17 Hlakola 1826, e le Kopano ea Barumuoa. Mona Lesotho ba fihlile ka selemo sa 1862, e leng selemo seo Kereke e Katholike Lesotho e neng e qale ka sona.



2023-2024 SELEMO B

Sontaha sa 2 sa Karisima

Genese 22,1-2.9-13.15-18

Pesalema 115

Ba-Roma 8,31-34

Mareka 9,1-9



Khotatso



Phehello; mosebetsi oa tumelo

E se le matsatsi a 12 re kene Nakong ea Karisima, ke nako ea hore bohle re lekole hore na tumelo le phehello ea rona li ntse li re isa letlotlong la Morena. Lithuto tsa kajeno li na le moelelo bophelong ba lona.

Thuto ea Pele (Genese 22:1) e bolela ka teko ea tumelo ea Abrahamama, Morena o ne a batla ho bona hore na Abrahamama o tšepahala hakae litabeng tsa mamelo le bosebeletsi. Palong ena moo ho hlahang Abrahamama le Isaaka joaloka ntate le mora, re bona litšoantšo tse ngata tsa Molimo Ntate le Mor'a Hae Jesu Kriste. Morena o ile a laela Abrahamama ho nka mor'a hae Isaaka ho etsa sehlabelo ka eena Naheng ea Moria. O ile a latela taelo ena 'me a jarisa mora hae Isaaka patsi ka mahetleng, mona re bona Jesu Kriste ea jereng sefapano ho ea Kalfari. Morena o ile a jarisa Mor'a hae joko ea libe tsa lefatše. Ka ho aha aletare le ho tlama mor'a hae Isaaka a 'meha aletareng, Abrahamama o ne a bontša mamelo ea hae ho Morena. Hona ke bopaki ba hore tumelo e se nang mesebetsi e shoele shoi! (Jakobo 2:26), tumelo ea 'nete e khanya ka mesebetsi e metle. Ha re bona Isaaka ea behiloeng holima aletare, re hopola Kriste ea neng a le kaholima sefapano, a t'lo khokhotheloa ka lebaka la pholoho ea rona e le hore re be le kabelo lefeng la Bahalaleli leseling.

Ha motsotso o fihlile Abrahamama a ntsa thipa ho hlaba mora hae; o ne a e-na le tumelo e tletseng ea hore ka Morena tsohle li ka etsahala. Mohlomong o tla tsosa Isaaka bafung. Isaaka eena o ile a mamela ntat'ae le Morena Molimo, hoo a ileng a amohela ho etsoa sehlabelo joaloka nku. Lenyeloi la Morena la hlaha 'me la mo laela ho se ise mohlankana letsoho. Tumelo ea hae e ne e lekuoe 'me Morena o ne a tseba hore Abrahamama o mo mamela ho isa qetellong.

Thutong ea Bobeli re bona hore phehello e tsamaea 'moho le tumelo, hobane mehleng eo ho n'o e-na le lithloriso tse ngata hoo ba sokolohang ba neng ba tšaba ho lahleheloa ke bophelo. Paulosi o ba khoba matšoafu ka ho ba elisoa hore Morena a ke ke a ba lahla ho hang. Haeba o ile a fana ka Mor'a hae e le sehlabo lebakeng la libe, joale eena 'moho le Mora ba ka tlohela bophelo ba Bakriste joang?

Evangeli ea kajeno e fana ka setšoantšo sa hore na ba pheletseng tumelong ea bona ba tla fumana eng. Nakong eo Kriste a nkileng Peterosi, Jakobo le Joannes ho ea thabeng ba ile ba bona ha fetoha tšobotsi, liaparo tsa hae li khanya ho feta tsa sehlatsoi se tummeng lefatšeng. Liaparo tse tšoeu ke setšoantso sa letlotlo. (Tšenolo 3:3-5, 3:18, 4:4, 6:11, 7:9, 12) Boteng ba Elia le Moshe ke letšoao la phethahatso ho tsoa ho baprofeta (Elia) le Molao (Moshe) tse fumanoang Testamenteng ea Khale. Sena se bontša hore bohle ba phetseng nakong eo, 'me ba phehella tumelong ea bona ba tla ba le kabelo 'Musing oa Leholimo.

Boteng ba lona joaloka Bakriste ke letšoao la tumelo, boitšoaro ba lona lefatšeng ke letšoao la phehello ea tumelo ea lona. Kaofela ha rona ha re matlafatseng phehello ea rona ha re ntse re emetse letlotlo leo re tla le fumana ha re tloha lefatšeng lena.

Ha re kopeng Morena ho matlafatsa phehello le ho boloka tumelo ea rona Sakramenteng e Halalelang ea Eukariste. Sena se bohlokoa haholo bophelong ba rona nakong ena ea Karisima ha re ithophela Tsoho ea Morena Jesu e ketekoang ka Sontaha sa Paseka.

Bahalaleli har'a Beke

- 26 Hlakola Faustinian
- 27 Hlakola Honorina
- 28 Hlakola Hilary
- 29 Hlakola David
- 1 Tlhakubele Albinus
- 2 Tlhakubele Agnes

Tšeliso Thakholi

Linare e shapa Liphakoe

Batšehetsi ba Sehlopha sa Bolo ea Mao-to sa Liphakoe, ba neng ba khobokane ka bongata Lebaleng la LCS, Maseru, ka la 17 Hlakola monongoaha ho ea se thoholetsa ha se ne se thulane le sa Linare, seo mokoetlisi oa sona a neng a sa tsoa itokolla, ba tlohile lebaleng ba sulafaletsoe, ba sitoa ho lumela se etsahetseng kamor'a ho shapuo ka phafa e bohloko ea ntlha e le 'ngoe ho lehe.

Liphakoe e shapuo 1-0 tjena ke Linare e le ha e sa tsoa hlohlora ke Sehlopha sa LCS ka thupa ea 4-0 mafelong a beke a sa tsoa feta. Ena ebile tšebetso e nyotobetsang pelo e entsoeng ke Sehlopha sa Liphakoe, kaha tšepo ea barati le batšehetsi ba Liphakoe e ne e le hore e tla hapa papali eo kapa e bapale ka ho lekana, e le ho matlafatsa maemo a eona lokong.

Litoro li ile tsa fela, 'me phala ea ho qetela ha e lla batšehetsi ba Liphakoe ba ne ba utloile bohloko hona hoo e kang hoja se etsahetseng ba se shebile ka mahlo ha se 'nete, ke toro ea Faro kaha sehlopha se le maemong a kotsi haholo lokong.

Puisanong e khutšoanyane le ba bang ba batšehetsi ba Liphakoe, bao lipelo tsa bona li neng li le bohloko, ka lebaka la ho lahlehela ke

lipapali tse peli, ba thoholelitse Linare ho latela ka moo e neng e itokiselitse papali ka mokhoa o phahameng ka teng.

"Hantle-ntle Linare e ne e sa re hlole haholo, re ne re se na batho ba re hlabelang lintlha, 'me bothata bo boholo bo bile moo." Ba rialo ba bile ba thoholetsa sehlopha sa bona se bapetseng bolo e tsoileng matsoho, le hoja ba hlokile lehloholo la ho hlaba lintlha.

Ba re Linare e mpile ea chopola feela empa tse tlang kamorao ho eona tsona li tlii'o kopana le pela li falla.

Ba re Liphakoe ke sehlopha se sehlo kahar'a naha, 'me ha ba bone hore na keng se ka se sitisang ho boela se ntlafatsa maemo a sona lokong. Ba re taba-tabelo ea bona ke ho bona sehlopha se le kahar'a tse 'ne tse ka holimo kapa tse robeli ha selemo sa lipapali se fela.

Haele lipapali tse tlang ho bapala mafelong ana a beke ke moo Bantu e tlang ho koebana le Ace Maseru Lebaleng la DiFA Mohale's Hoek ka la 24 Hlakola e le eona papali e kholo e tla beng e shebiloe ka leihlo le nchocho. LMPS e momane le Liphakoe, LDF e bapale le Lioli, Lijabatho e amohela LCS Lebaleng la Morija. Ha Lifofane e tla nkana le Matlama Lebaleng la DiFA Maputsoe.



Airbourne e teteka Paramente

Tšeliso Thakholi

Sehlopha sa papali ea Senuka sa Airbourne se ile sa amohela sa Paramente mokhahlelong

oa bobeli oa Liki e Kholo ea Senuka, ka ho se teteka 14-11, papaling ea pele e neng e simolla lipapali tsa Senuka tse bapalletsoeng Ha Abia, Maseru, ka la 17 Hlakola monongoaha.

Har'a lihlopha tsa papali ea Senuka tse neng li isana holimo le tlaase, Sehlopha

sa Airbourne se bonahetse se bapala ka bokhabane bo boholo le ho bontša boiphihlelo. Sena se pakahalitsoe ke ha se qala se hapa papali ea sona ea pele ka makhetha a maholo. Papali ena e ne e shebiloe ka matla a maholo, kaha Paramente ke se seng sa lihlopha se nang le libapali tse

kotsi, 'me tšepo e le hore ha papali ena e fela se tla be se bapetse hantle, empa Airbourne e ile ea makatsa ba bangata ka ho hlola papali ena.

Libapali tse kotsi tsa Airbourne tse kang Lintle le Refiloe, lekhetlong lena ba ne ba phutla ka mokotla o metsi. Bothata bo boholo ba Paramente bo ileng ba qetella bo entse hore e hloloe ho hapa papali ena, ke hobane boholo ba libapali tsa eona li sa le ncha, 'me li e-s'o tsitsi hantle kahar'a sehlopha.

Puisanong le Mookameli oa Sehlopha sa Paramente, Monghali Tumelo Moiloe o boletse hore ho tloha mokhahlelong o fetileng oa lipapali tsa Senuka, ho bile boima haholo sehlopheng sa habo kaha ba sa ka ba bapala hantle. "Re ile ra lahlehela ke libapali tse tharo tse matla, 'me ntho eo ke eona e ileng ea re nonyetsa haholo. Empa leha ho le joalo, re sa tsoa tekana tse ling tse tharo hape." A rialo.

A re le kajeno ba ntse ba sa bapala hantle ka lebaka la mathata ao ba nang le ona a kang a ho nyamela ha libapali ntle ho litherisano, ho itokolla ha tse ling li ea lihlopheng tse ling. A re ba ile ba boela ba kopana le bothata ba sebakali seo ba ileng ba se reka, empa hamorao ba fumana se se bapalla sehlopha se seng. "Re ile ra buisana le sehlopha seo a neng a se bapalla sa re buseletsa chelete eo re neng re mo rekile ka eona, 'me ra tseba ho reka libapali."

O phethetse ka hore mokhahlelong ona oa ho qetela ba lokela ho nyolla likausi, kaha takatso ea bona ke hore ha liki e fela ba be ba le kahar'a lihlopha tse 'ne tse ka holimo. A ipiletsa ho bafani le bahoebi ho holisa le ho motlafatsa papali ena ka ho e tšehetsa. Lihlopha tse ling tse bapetseng sephetho se eme tjena: Mookoli 12-13, KTA 8-17 Ciscos, Caesars 15-10 Phahameng le Khacis 16-9 Hae-wena.



Mawes Ladies e otloa ke letsoalo

Tšeliso Thakholi

Mokoetlisi oa Sehlopha sa Bolo ea Mao-to ea Basali sa Mawes Ladies, Monghali Naleli Mabeleng o re ho tla ba boima ho fihlela morero oa bona oa ho ba kahar'a lihlopha tse 'ne tse ka holimo lokong, ho latela hore ba ntse ba sa bapale hantle, ho tloha ba qalile mokhahlelo oa bobeli oa liki. Sena o se buile Lebaleng la Sekolo sa Temo, Maseru, ka la 18 Hlakola 2024 ha LDF Ladies e qeta ho ba teteka ka phafa ea 4-0.

Mabeleng o hlahositse hore ha se 'nete eo a ka e balehang ea hore libapali tsa hae li letsoalo, leo a bonang hore ba atamela lipapali tsa bona ba e na le lona. "Ke ne ke sa lebella hore re ka hlola LDF Ladies ho latela ka moo ba keneloang ke letsoalo ha ba lokela ho tla bapala le eona.

Ke lekile ho bua le bona ha ke tsebe hore na letsoalo lena nka le felisa ka'ng." A rialo.

O re se seng se batlang se mo lahlisitse tšepo ea hore a ka hlola a eba boemong ba bone, ke qholotso ea hore libapali tsa hae boholo ba bona ke bana ba sekolo, 'me ba ba sieo boikoetlisong ba fumaneha ha bobebe haele Labohlano ha likolo li tsoile. Ho feta mona ke libapali tse 'ne feela tse fumanehang nako eohle.

O re qholotso e 'ngoe ke ea hore libapali tse ling tsa bona, li lula metseng e thoko haholo le bona hoo ba se nang taolo e ntle holim'a bona, lintlheng tsa boitšoarole hore na ba ntse ba hlompha melao ea sehlopha. "Hantle ho ntse ho ba boima sehlopheng sa heso, ho ba nakong ea boikoetliso motho o tla be a ba file mekhoha eo re il'o e sebelisa ha re bapala le lihlopha tsena. Empa ka lebaka la letsoalo, ha ba fihla ka lebaleng o tla bona ba bapala ntho e fapa-

kaneng le eo motho o ba fileng eona. Kannete ke ne ke sa lebella hore le hona joale ho latela lipapali tseo re seng re li bapetse tsa liki letsoalo e ka ba ntho e teng. Teng ha ba utloa hore re bapala le LDF Ladies ba thothomela ho feta." A rialo.

Mabeleng o re leha ho bonahala sehlopha sa hae

se otloa ke letsoalo, o ntse a hloka ho matlafatsa haholo mola o kapele, kaha e le hona moo ba se nang matla hona teng. "Letsoalo lena kannete ha ke tsebe hore na ke tliil'o le etsa joang ha eba re leotong la bobeli re ntse re bua ka lona. E be bolong moo le phekoloa kang?" Ho botsa Mabeleng

a bile a phethela ka ho kopa boeletsi ho bakoetlisi ba bang hore na ebe a ka le felisa kang.

Haele mokoetlisi oa LDF Ladies, Monghali Lengana Nkhethoa eena o tiisitse hore le monongoaha ba ntse ba tliil'o sireletsa Mhope oa Liki, 'me ba ntse ba tliil'o ikhabela ona hape.



Khethisa ke sebapali sa machaba



lisi, kaha ke ntse ke rata ho ba sebapali. Lilemo tsa ka ha li e-s'o lumele hore nka e tlohela ka shebana le litaba tsa bokoetlisi feela. Ke boetse ke butse setsi sa koetliso sa papali ena, moo re re sebetsang re le babeli. Re kopa Basotho ho re tšehetse kaha setsi sena se sa le secha haholo. Re koetlisa bana ka bonngoe le ka lihlopha. Re kopa batsoali ba tlise bana ka bongata re tliil'o ba ruta.

Litlholisoano tseo u ileng oa li kenela ke life?

Ka ts'ehetso ea batsoali ba ka le ba bang ba bafani, ke ile ka atleha ho kenela litlholisoano tse 'maloa kahare le kantele ho naha. Ka khethoa makhetlo a mangata haholo mokhethoeng oa naha. Empa mokhatlo oa heso oa papali ea Tennis o ne o ntšehetsa feela ha ke il'o emela naha, empa tse-na tse ling haesale ke tšehelitsoe ke batsoali ba ka. Ka selemo sa 2022 ke ha ke tla qala ho ba sebapali se ikemetseng se sa oeleng sehlopheng sefe kapa sefe.

Likatlheho tseo u li fihletseng ke life?

Likatlheho tseo ke li fihletseng li ngata haholo papaling ea Tennis, empa nka qolla tse seng kae feela tse latelang, ke ile ka hapa litlholisoano tse peli tsa Mini Series le Mini Series One Naheng ea Afrika Boroa. Kahar'a naha ka hapa Lesotho Open le Region Five. Ka boela ka hapa li Championship tsa 2016 ho isa ho 2017 e le Double Series.

Tšeliso Thakholi

Papali ea Tennis kahar'a naha ke e 'ngoe ea lipapali tseo ho bonahalang e hola ka sekhahla se sehola, 'me e ratao haholo ke bahlangana le baroetsana ba bangata ba banyenyane haholo lilemong. Ke ea tse ling tse bapaloang haholo, tse nang le libapali tse boemong ba bachaba linaheng tse

kenyeletsang har'a tse ling, Amerika, Australia, Britain le Afrika Boroa. E mong oa libapali tse bapalang boemong ba machaba ke Abuti Kamohelo Khethisa oa Maseru West ea bapalang Naheng ea Afrika Boroa.

Lerato la papali ena u le qalile ho kae?

Lerato le tšusumetso ea papali ena e qalile ka lapeng, kaha abuti oa ka oa e bapala, 'me batsoali ba ka ba na le lerato le lehlo la eona. Ka mantsoe a mang ke hlahetse kahar'a lelapa la pa-

pali ea Tennis. Ke ha le 'na ke tla e rata. Ke 'nete nkile ka bapala papali ea bolo ea maoto empa ka e tlohela kaha ke ile ka hlokomela hore talenta ea ka e kholo e papaling ea Tennis.

U qalile ho e bapala neng?

Ke qalile ho e bapala ke sa le likonyaneng ke le lilemo li hlano, empa ka phakisa ka e tlohela ha ke fihla sekolong se phahameng, ka khahloa ke ho bapala papali ea bolo ea maoto. Ha kea nka nako e telele haholo

ke ntse ke e bapala, empa tlhase ea lerato la papali ea Tennis la boela la tota ka matla a maholo kahare ho 'na 'me ka khutlela ho eona, ka fumana tšeheso e matla ho tsoa ho lelapa leso le ho moholoane oa ka ea ntseng a e bapala.

U se u fihletse mekhahlelo efe ka papali ea Tennis?

Ha joale mokhahlelo oa ka oa pele ke oa bokoetlisi haholo baneng ba ntseng ba hola, empa ha ke rate haholo ho sebetsa ke le mokoet-